

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo finansija
-Komisija za izbor poslovnih banaka-

Broj: 07/1-11-4921/26
Tuzla, 24.02.2026. godine

Na osnovu člana 7. i 8. Uredbe o postupku, kvalifikacionim uslovima i kriterijima za izbor poslovnih banaka za potrebe Budžeta Tuzlanskog kantona („Službene novine Tuzlanskog kantona“, br. 17/20 i 2/26), člana 20. stav 1. i člana 21. stav 1. Zakon o trezoru Federaciji Bosne i Hercegovine ("Službene novine Federacije BiH, br. 26/16, 3/20 i 60/23) i člana 4. Rješenja o imenovanju Komisije za izbor poslovnih banaka broj: 07/1-11-4334/26 od 19.02.2026. godine, Ministarstvo finansija Tuzlanskog kantona, objavljuje:

JAVNI POZIV

za pružanje usluga poslovne banke bez naknade

1. Ministarstvo finansija Tuzlanskog kantona (u daljem tekstu: Ministarstvo) ima namjeru izvršiti odabir dvije transakcijske banke u okviru Jedinstvenog računa trezora Tuzlanskog kantona.
2. Opći uvjeti podobnosti banaka: podobne su banke koje ispunjavaju slijedeće kvalifikacione uslove:
 - a) banka izražava zanimanje za pružanje bankarskih usluga navedenih u javnom pozivu bez naknade
 - b) banka mora posjedovati potrebne dozvole za rad i obavljati bankarsku djelatnost najmanje dvije godine
 - c) banka mora imati profitabilno poslovanje u posljednje dvije godine u odnosu na godinu u kojoj se vrši izbor
 - d) banka treba da je tehnički opremljena i osposobljena za kvalitetno pružanje traženih usluga
 - e) banka mora imati adekvatnost kapitala propisanu relevantnim propisima
 - f) banka mora imati odgovarajući informacioni sistem koji omogućava razmjenu podataka između Ministarstva i banke.
3. Opis usluga:

Transakcijske banke pružaju usluge:

 - a) Usluge platnog prometa koje uključuju: prikupljanje dijela pripadajućih prihoda sa Depozitnog računa Budžeta Tuzlanskog kantona i drugih prihoda koji se uplaćuju na Transakcijski račun, isplatu i prenos sredstava po nalogu Ministarstva, obračun kamata i isplate sredstava po osnovu primljenih sudskih odluka i drugih odluka izvršnih organa, dostavljanje dnevnog izvještaja o uplatama i isplatama javnih prihoda i primitaka i isplatama rashoda i izdataka i oročavanje sredstava po uputama Ministarstva;
 - b) Oročavanja sredstava na depozit po viđenju u skladu sa uputama Ministarstva;

c) Oročavanje sredstava na depozite sa računa iz člana 3. stav 3. Uredbe u okviru Jedinstvenog računa trezora Tuzlanskog kantona (u daljem tekstu: JRT TK) u skladu sa uputama Ministarstva;

d) Usluge izvještavanja koje obuhvaćaju:

1. Izrada i dostavljanje dnevnih izvoda o stanju na računima kod Banke shodno „Protokolu za primjenu ugovora o otvaranju računa za poslove unutarnjeg platnog prometa (u daljem tekstu: Protokol). Izvodi se dostavljaju u elektronskoj formi do 8:00 sati, a u papirnoj formi najkasnije do 12:00 sati svakog radnog dana za prethodni dan.
2. Izvještaj po realizaciji sudskih rješenja o izvršenju moraju da sadrže analitički prikaz iznosa glavnice, kamate i troškova postupka i isti se dostavljaju do 8:00 sati sljedećeg radnog dana.

4. Izbor Poslovnih banaka izvršit će se na osnovu sljedećih kriterija:

- a) kamatna stopa na depozit po viđenju učešće 20%
- b) kamatna stopa na oročene depozite sa računa iz člana 3. stav 3. Uredbe...učešće 35%
- c) poslovna mreža banke učešće 40%
- d) adekvatnosti kapitala učešće 5%

Oročavanje depozita je kratkoročnog karaktera i odnosi se na period unutar tekuće fiskalne godine u kojoj se vrši oročenje.

Depozit po viđenju -naziv za depozit, odnosno novčana sredstva na transakcijskom računu.

Pod računima iz člana 3. stav 3. Uredbe podrazumjevaju se sredstva na transakcijskom računu i računima za posebne namjene (podračuni) iz člana 19. Zakona o trezoru u Federaciji Bosne i Hercegovine („Službene novine Federacije BiH“ br. 26/16,30/20 i 60/23).

5. Način bodovanja:

Najpovoljnija ponuda u smislu niže navedenih kriterija (*prema opadajućem redoslijedu*)

- 1) kamatna stopa na depozite po viđenju učešće 20%
- 2) kamatna stopa na oročene depozite sa računa iz člana 3. Stav 3 Uredbe | učešće 35 %
- 3) poslovna mreža banke učešće 40 %
- 4) adekvatnost kapitala učešće 5 %

Obračun bodova vršit će se određivanjem najpovoljnije ponude po svakom od kriterija kojem se dodjeljuje 100 bodova.

U zavisnosti od pojedinog kriterija najbolja je ona ponuda čiji je ponuđeni nominalni iznos najveći (npr. najveći broj filijala).

U slučaju da dvije ili više ponuda imaju iste elemente, odnosno kriterije dobivaju isti broj bodova.

Izračunavanje učešća kriterija -kamatna stopa na depozit po viđenju

Primjer:

$$\frac{X \text{ Niža kamatna stopa}}{Y \text{ Najviša ponuđena kamatna stopa}} \times 100$$

Izračunavanje učešća kriterija -kamatna stopa na oročene depozite sa računa iz člana 3. stav 3. Uredbe

Primjer:

$$\frac{X \text{ Niža kamatna stopa}}{Y \text{ Najviša ponuđena kamatna stopa}} \times 100$$

Izračunavanje učešća kriterija -poslovne mreže banke

Primjer:

poslovna mreža banke na području TK-a najbolje ponude = (broj objekata)

$$\frac{\text{manji broj objekata}}{\text{ponuda Najveći ponuđeni broj objekta}} \times 100 =$$

Napomena : Kriterij "poslovna mreža banke" mora biti iskazan brojem objekata.

Izračunavanje učešća kriterija -adekvatnost kapitala banke

Primjer:

$$\frac{X \text{ stopa najniže adekvatnosti kapitala}}{Y \text{ Stopa najviše adekvatnosti kapitala}} \times 100$$

Napomena : Kriterij "adekvatnost kapitala" mora biti iskazan u procentu (%).

Utvrđivanje broja bodova vrši se na bazi relativnog učešća svakog podkriterija u ukupno postavljenim podkriterijima. Prvorangirana poslovna banka ujedno postaje i depozitna banka.

6. Dodjela ugovora

Ugovor će se zaključiti s bankom koja je dobila najveći broj bodova slijedećim redoslijedom: Prvorangirana poslovna banka i drugorangirana poslovna banka, bit će izabrane za transakcijske banke.

Prvorangirana poslovna banka ujedno postaje i depozitna banka, o čemu će se zaključiti poseban ugovor.

Ukoliko se na javni poziv prijavi samo jedna poslovna banka, ista će biti odabrana za transakcijsku i depozitnu banku.

7. Pozivaju se sve zainteresirane banke koje ispunjavaju kvalifikacione uslove iz tačke 2. ovog Javnog poziva da sudjeluju u ovom pozivu za pružanje bankarskih usluga bez naknade.

Uz prijavu za sudjelovanje, potrebno je dostaviti slijedeću dokumentaciju:

- Izjavu ovlaštenog lica banke datu pod punom krivičnom i materijalnom odgovornošću o ispunjavanju kvalifikacionih uslova podobnosti banke iz tačke 2. Javnog poziva i ponuđenoj kamatnoj stopi na depozit po viđenju i kamatnoj stopi na oročene depozite sa računa iz člana 3. stav 3. Uredbe - izjava potpisana, protokolirana i ovjerena od strane banke (OBRAZAC-1)
- Nacrt ugovora s paraфом na svakoj stranici za obavljanje poslova transakcijske banke
- Bilancu uspjeha za 2023. i 2024. godinu - original ili ovjerena kopija
- Bilancu stanja na dan 31.12.2023. i 31.12.2024. godine - original ili ovjerena kopija

- e) Izvješće vanjskog revizora o reviziji finansijskih izvještaja banke za 2024. godinu - original ili ovjerena kopija.

8. Osnovni podaci o prihodima i primicima Budžeta Tuzlanskog kantona:

- a) Prihodi i primici Budžeta Tuzlanskog kantona iznosili su za 2025. godinu 630.727.198,00 KM;
- b) Prosječno dnevno stanje na redovnim transakcijskim računima Tuzlanskog kantona za period 01.01.-31.12.2025. godine iznosilo je 99.102.845,00 KM, dok je prosječno dnevno stanje svih računa (redovni računi i posebni podračuni) Tuzlanskog kantona za navedeni period iznosilo 172.889.143,00 KM.

9. Rok i način dostavljanja prijave za sudjelovanje

Prijava za sudjelovanje zajedno s pratećom dokumentacijom treba biti dostavljena najkasnije do 16.03.2026. godine do 11:00 sati na protokol Ministarstva ili putem pošte na adresu:

TUZLANSKI KANTON-Ministarstvo finansija
Ul. Turalibegova br. 40
75000 Tuzla

Prijava za sudjelovanje dostavlja se u zatvorenoj i zapečaćenoj koverti. Na koverti obavezno naznačiti:

"Prijava na Javni poziv za pružanje usluga poslovne banke" - "NE OTVARAJ" -

Prijave za sudjelovanje koje budu dostavljene nakon navedenog roka neće biti razmatrane.

Javno otvaranje ponuda obaviti će se u ponedjeljak, 16.03.2026. godine u 11:30 sati u prostorijama Ministarstva, sala za sastanke. Pravo prisustva na otvaranju ponuda imaju predstavnici podnositelja prijave uz podnošenje pismene punomoći.

Postupak izbora poslovnih banaka će izvršiti Komisija imenovana Rješenjem o imenovanju Komisije za izbor poslovnih banaka broj: 07/I-11-4334/26 od 19.02.2026. godine.

Obavijest o rezultatima izbora dostaviti će se svim bankama koje su dostavile prijavu za sudjelovanje.

Osoba ovlaštena za davanje informacija u vezi ovog javnog poziva:

- a) Bešić Dženita, e-mail: dzenita.b@tk.kim.ba (za normativni dio)
- b) Selimović Anel, e-mail: anels@tk.kim.ba (tehnički dio)

Nacrt ugovora o obavljanju poslova unutarnjeg platnog prometa i obrazac Izjave iz tačke 7. a) Javnog poziva (OBRAZAC-1) može se preuzeti na web stranici Ministarstva finansija, www.minfintk.ba.

Uvid u ostalu dokumentaciju eventualno potrebnu za analizu dostave ponude od strane ponuđača može se izvršiti na web stranici Ministarstva finansija, www.minfintk.ba.

MINISTAR
Suad Mustajbašić, dipl. ecc

